

Broj: 73-04-4-21455-34

Datum: 14-07-2026

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku broj: 73-33-4-21455-3 od 06.07.2026. godine, u postupku javne nabavke, Generalni direktor donosi:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 73-33-4-21455-3 od 06.07.2026. godine, Ugovor za javnu nabavku „Usluge održavanja SAP licenci“ dodjeljuje se **Konzorciju ponuđača Sapiens Solutions d.o.o Beograd i Lanaco d.o.o Banja Luka**, broj ponude: PO-03-1351/26 od 25.06.2026. godine, za ponuđenu cijenu od **219.933,75 KM bez PDV-a**.

Član 2.

Izabrana grupa ponuđača je u obavezi dostaviti dokaze po članu 45. Zakona o javnim nabavkama (lična sposobnost) na način i u roku kako je to propisano tenderskom dokumentacijom.

Član 3.

Prijedlog Ugovora dostaviti će se na potpis izabranom ponuđaču po pravosnažnosti ove Odluke.

Član 4.

Ova Odluka objaviće se na internet stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 73-04-4-13317-2 od 06.05.2026. godine. Javna nabavka je sprovedena putem otvorenog postupka. **Procijenjena vrijednost javne nabavke bez PDV-a je 220.000,00 KM bez PDV-a.** Obavještenje o nabavci broj: 893-1-2-242-3-665/26 objavljeno je na Portalu javnih nabavki dana 25.05.2026.godine, a ispravka obavještenja o nabavci broj: 893-1-2-242-8-711/26 11.06.2026. godine.

Komisija za nabavku, imenovana je Odlukom broj: 73-11-3-20630 od 18.06.2026. godine. Komisija za javnu nabavku dostavila je Ugovornom organu Zapisnik o pregledu i ocjeni ponuda 73-33-4-21455-2 od 03.07.2026.god, kao i Preporuku o izboru najpovoljnijeg ponuđača zajedno sa Izvještajem o radu broj: 73-33-4-21455-3 od 06.07.2026.godine u postupku javne nabavke „Usluge održavanja SAP licenci“.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene 3 ponude,
- da su blagovremeno zaprimljene 3 ponude,
- da nije bilo neblagovremeno zaprimljenih ponuda.

Zaprimljene su ponude sljedećih ponuđača: 1) **PLANET SOFT d.o.o Banja Luka**, 2) **Enetel Solutions d.o.o Beograd** i 3) **Konzorcij ponuđača Sapiens Solutions d.o.o. Beograd i Lanaco d.o.o Banja Luka**, od kojih je ponuda Konzorcija ponuđača Sapiens Solutions d.o.o. Beograd i Lanaco d.o.o Banja Luka prihvatljiva, ponuda ponuđača **PLANET SOFT d.o.o Banja Luka** neprihvatljiva i nepravilna, te ponuda ponuđača **Enetel Solutions d.o.o. Beograd** neprihvatljiva i nepravilna.

PLANET SOFT d.o.o Banja Luka: Ponuda ponuđača **PLANET SOFT d.o.o Banja Luka** prelazi procijenjenu vrijednost javne nabavke. Imajući u vidu da je procijenjena vrijednost javne nabavke 220.000,00 KM, a da je predmetni ponuđač dostavio ponudu sa cijenom od 260.000,00 KM, predmetnu ponudu je valjalo odbaciti kao neprihvatljivu, cijeneći član 2) stav (1) tačka 1., pod 2., ZJN koji propisuje da je - neprihvatljiva ponuda - čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta. Osim toga, ponuđač **PLANET SOFT d.o.o. Banja Luka** nije dostavio izmijenjeni Aneks 3- Izmijenjene tehničke specifikacije u sastavu svoje ponude za razliku od ostalih ponuđača.

Enetel Solutions d.o.o Beograd: Ponuda navedenog ponuđača nije dostavljena u skladu sa zahtjevima iz tenderske dokumentacije. Naime, Tenderskom dokumentacijom, tačnije tačkom 3.1. iste, izričito je propisano da „Ponuda mora sadržavati sve navedene dokumente u originalu ili ovjerenoj kopiji (ovjerena kopija originala podrazumjeva kopiju originalnog dokumenta ovjerenu kod nadležnog organa – organ uprave ili notar, u daljem tekstu ovjerena kopija), u suprotnom će se smatrati nepotpunom i neće biti uzeta u dalje razmatranje. Neprilaganje bilo kojeg dokaza i/ili izjave diskvalifikuje ponuđača.“ Iz dostavljene ponude predmetnog ponuđača, zaključeno je da predmetni ponuđač nije ispoštovao u sastavu svoje cjelokupne ponude predmetne gore citirane zahtjeve tenderske dokumentacije.

Naime, potvrda o uredno izvršenom ugovoru koja je dostavljena od strane ponuđača u ponudi, nije priložena u originalu niti kao ovjerena kopija, kako je zahtijevano tenderskom dokumentacijom za dokaz tehničke i profesionalne sposobnosti, te se ovakva potvrda referentnog naručioca u obliku primjerka koji nije ovjeren ne može prihvatiti.

Osim toga, i dostavljeni izvod iz Agencije za privredne registre Republike Srbije od predmetnog ponuđača je dostavljen u obliku neovjerenog primjerka, odnosno isti nije dostavljen u originalu niti kao ovjerena kopija kako je propisano tenderskom dokumentacijom, te se isti ne može prihvatiti kao dokaz u dostavljenoj formi.

Predmetni ponuđač se nije pridržavao uslova koji su propisani tenderskom dokumentacijom - Član 57. stav (1) ZJN "U postupku javne nabavke kandidat/ponuđač se pridržava zahtjeva i uslova iz tenderske dokumentacije", za razliku od ostala 2 ponuđača koji su tražene dokaze dostavili u zahtjevanoj formi/obliku kako je bilo decidno propisano tenderskom dokumentacijom. Imajući u vidu sve gore detaljno navedeno i obrazloženo, utvrđeno je da ponuđač Enetel Solutions d.o.o. Beograd nije dostavio tražene dokaze na način i u formi propisanoj tenderskom dokumentacijom za razliku od ostala 2 ponuđača u odnosu na pomenute dokaze, te cijeneći opšte principe, kao i jednako i pravično postupanje prema svim ponuđačima koji su dostavili svoje ponude, ponuda predmetnog ponuđača se ocjenjuje kao neprihvatljiva i nepravilna, te se odbacuje u skladu sa članom 68. stav (4) tačka i) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24).

Ponuda Konzorcija ponuđača Sapiens Solutions d.o.o Beograd i Lanaco d.o.o Banja Luka je kvalifikovana, prihvatljiva i izabrana kao najpovoljnija. Dostavljeni su svi traženi dokazi propisani tenderskom dokumentacijom, na propisan način. U predmetnom postupku javne nabavke bilo je propisano održavanje E-aukcije, međutim, ista nije zakazana obzirom da je u predmetnom postupku zaprimljena samo jedna prihvatljiva ponuda (član 4. stav (2) Pravilnika o uslovima i načinu korištenja e-aukcije „Službeni glasnik BiH, broj 80/23“) koji glasi „U slučaju prijema jedne prihvatljive ponude e-Aukcija se ne zakazuje”.

Cijeneći da je jedinu prihvatljivu ponudu podnio **Konzorcij ponuđača Sapiens Solutions d.o.o Beograd i Lanaco d.o.o Banja Luka**, isti je i odabran kao najpovoljniji ponuđač. U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, Generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog: **tehnički i formalno-pravno ispravno dostavljene ponude u okviru procijenjene vrijednosti javne nabavke.**

- Naziv ponuđača čija je ponuda ocijenjena kao najpovoljnija:

Konzorcij ponuđača Sapiens Solutions d.o.o Beograd i Lanaco d.o.o Banja Luka.

Iz navedenih razloga, primjenom člana 64. stav 1. tačka a) Zakona o javnim nabavkama, člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom.

Generalni direktor

Prim.doc.dr.sci.med. Alen Pilav

Dostaviti:

- Ponuđačima;
- Služba za javne nabavke,
- a/a.